

www.BibleForChildren.org

Mataió 26



Asenini
zeketakumú
gele minoaká
holisi gamena
alitokago gamena
6-a veletoka ha nego,
Izesú eza Petania
numutoka vo anitimó.
Ámina apató nene
emane amunaló Lasaloni
heleneikutí alémo otimó.



Niki niago, Maliá nene anuva lamanaki netupa
agulizaláa nalita loko meinava iteko mina netá nene
hapu lita potologú minamó nene Izesuni agisaló
holomiake, gotola zopovalatunú gilatoko ale lamaná
otamó. Lá okago, numukuka anuvámo moloake
minamó.



Lá okago, Izesuni izegipala zuha keikutí ve makó
agulizá Zutá eza Kaliotó apatotí ve nenémo guguni
giziaká ve napa niatoka vike Izesuni amimika loko
alémoko oko likigizakú ahulatove
loko lo kimimó. Lo kemekago,
giliake, mulúikú lamaná
okago, age nonó lá oko
gimitune liki Zutani
agómulaló li
hutikago, geleake
Izesuni
amimika
linogo
amapani
molamó.



Loko lokago lelikutí ve lositosa
nene Izesú litímini asike
asenini zekimiaká nosá
ali vavá asimó. Nosánetá
nonunike Izesú nene
peleti aleake Ómasi
agepoka loake gitegeko
izegipala zuha
nolimike láa
loko limó: Alikí
nalo. Imane
není mémeláne
neve.



Loko loake, vain goni aleake Ómasi agepoka loake
nolimike láa loko limó: Lekeza mukitó nalo. Lo
múnaheaká gakolímini golaníne nene vegená mukilitini
lihimáini gilatoketative loko lekitomó imane neve.



Saimon, Saimon, laisi lotuva lake gizaká iki alími etó
iaká niamómáminoko Satá nene lekeza aí agizakú
hilikiko gizaká oko lekelémo etó inogo lonoimóza,
nénisi nene gele alévolé animó nene gologolo samitive
loko Ómasiloka loaká nouve. Lá onoumó nenazo, geza
monó gapoló goha atiginá oko voko minokoko,
gigivekagini hize lé
oketozo.



Loko lo amekago, Pitá láa loko lo amimó:
Guivahanínemaka, geza kalapusi numukupe itó gipili
hilinitamope nezagi áminagú vinogo uve. Loko lokago,
Izesú láa loko lo amimó: Pitaga neza lo gimitoze,
gelezo. Itína holugú nene okoloho nenémo velesá anó
molonamiko geza nenikumú ánigonamuve loko egamega
onetatanimó gamena losive makole inogo ive.



Loko lokuko Izesú nene
izegipala zuhamagi apá
makó agulizá Gesemane
neneloka makó vuhá.
Vo anitekunike láa
loko lo limimó: Lekeza
nene imaneló niko neza
volaneloka vokinake
Ómasiloka litove.



Loko nolike láa loko limó: Aménegamaka, geza mukí
netá loló itove loko gagata gilitani netá nene vávani
okogó loló itanimó nenazo, genavagi gihinitata netá
imane nenitokatí ale olové itane loko nogulumóza,
není nigikaloka molamoko geí gigikaloka nelémo
molatane loko noluve.



Ámina zazuhagú Izesugegi gamena gamena alegesá
oaká unimó nenazo, itó amimika liti ve Zutá ezagi
ámina apakumú ánigonoimó nenazo, Izesú neneló
noinogo ive loko geleneike, guguni giziaká a
ve napagi Palisaio monó vegi niatoka
vike Izesuni nene kigizakú
molatikumú loká okago, mulusi
makokú ami vegi itó monó
zagusavegú pilisi ve lugáagi
kimisilikago, keza ló ligiki
aleke lova hiziaká netá aleke,
Zutá kelémo goí igo ámina
zazuhaloka Izesú
noitoka vamó.



Liki nilake, keikutí ve makolímo nene guguni gizoaká
ve napámini gelekelé izegipala nene sopolotunú apilike
agata zamagaloka zeko isimó. Lá okago, Izesú
nenémini suni alemo loake, agizani lutoko ámina
vemámini agataló ale nogilike agata alémo lamaná
otamó.



Loko lokago, Izesuni agizató aliake, alímiki vake
guguni giziaká vetini gizapa vémini numukú alímiki
itemó. Lá niago, Pitá nene hotó otigí oko
kémegetoko novigo,
ámina numukú hé
numunaló holutó nene ló
giziake minamó. Lá iki
niago, Pitá kezagi
makó minamó.



Loko lokago, guguni
giziaká vetini ve
napámini gelekelé
izegipala Pitá agata
zeko isi vémini
zuhagutí ve makolímo
loká otake gezagi zazuhagú
niasigo ánigo noumóma neve,
olo. Loko lokago, Pitá goha
egamega okago, áminaló litá
oko okoloho nenémo anó
molamó. agika hizekago, lemeko
hetoka ive napa imó.




Láa liki liake, keza mukitó otiake
Izesuni alímiki Pilató noitoka vamó.
Liki likago, Pilató eza Izesuni loká
otake geza nene Zuta vetini
kugulizaki ve napáini noape. Loko
loká omikago, Izesú
nene gezaka lokanimole.
Lá noigo, Pilató nene
Izesuni gologí otatove loko
geleake, gakó goha lo

kimimóza, keza pigi viziki
malipo zaló hilitikumule,

zohota zaló hilitikumule.




Liki likago, Pilató nene ake, Izesú
nene zohota zaló nilitunú ziki apili
hilitave loko kigizakú molamó.
Lá okago ami vemate Izesuni
alímiake, zohota za amikago,
gihigo, apá makó agulizá nene
gotóini gonosi helisa apale loko,
itó Hipulu gakokutí Goligota
loko neneloka alímiki vamó.



Alímiki vake zohota zaló apiliki
apatemó. Lá iake, ve golesa lositá
luga luga kipiliki apatemó. Izesuni
nene holukú hizi otitamó.



Lá noigo, monó zavusavémini gatetó Ómasímini
avogisaló iteaká gatetó zi lí ika lavolavo nene zeko
hoú lo losi imó nene lelí gahe ale koló imó. Lá noigo,
Izesú nene gakó napagutí nolike
aménega, není nemeni nene
geí gigizakú nomuluve.
Loko loake, ahuu lo
nahulake hilimó.



Alimataia numutotí ve Zosehé eza
monó kansole vete agika
itiake a vémo áisi Ómasímo
gizapa ve napa ale utó
oketati gamenamú
gizapa oko mina
vémo ahelele
vizimó ze
hitoake ...



... Izesuni gonosiváa alinogo Pilatoni nene loká omikago, Gele amekago, Zosehé nene gonosiváa asapú otatikumú lavolavo gó mokoná lamaná meina hizeake gonosiváa nene zalotí apasoko ale mikasiló oake, gó mokoná lamanámagú asapú omiake aleko vike meikú geha mulí goló vateikamó nenegú molomiake, gehani napa makó ahelú oko geha mulilímini agepaló ze lí imó.



Lá ikasigo, gó lokago holisi
gamenamámini nosánetá
ale vavá oaká gamena
vokago guguni giziaká
ve napagi itó Palisaio
monó vegi viki
Pilatotoka
alegesá amó.



Ake láa liki lamó: Ve Napale leza gakó ma gelekunike noune. Ámina sozaló ve nene ha agómulagi noike gamena makole vokiko neza otinogo uve loko limómámini okatize. Loko lokago, keza nene vake gonosi gale agepaló zi hita gehani nene alévolé oko minative liki anosa miliki nagá makó alemó. Lá iake lovámini galaváa nene áminaló gizapa itave liki ahulikitamó.



Holisi gamena asú okago, Sategú
neteká ho itinogo noigo,
Magatala numutotí vená
Maliá itó Maliá makómagi
gonosi galema ániganigi
vasimó.



Nivasigo genémané mikasi nene imimá napa imó nene
Guivahanímini ageló makó nene okulumakutí lemeake
gehani napa nene gonosi gale agepaló zi hitamóma
nene ahelú oko alahuloake ámina geható nene ase
hizeko noigo imimá napa imó. Lá okago, lovámini gala
ve keza nenemú Kehelele vizekago luvoluvo ziake
hele vege nakitana iki zámuzáini migelelé amó.



Lá noigo vená lositáma tizikasigo
ageló nenémo láa loko lo kimimó:
Lekeza lekehelele vizemino.



Lekeza zohota zaló apiliki apate ve Izesuni
ániganigi niasive loko gelenoumole. Eza imanegú
noamive. Lá okove gozapá ezáa litó mota otekave.
Láa loko lekeza iki ámina ve ako mina apá ánigalizo.




Loko lo kemekago, keza vená losi nene
kehelele novizigo itó kogoliza
nivizesike hetoka lemesike geha
mulikutí litá iki ololu liki vasike
aikumú izegipala zuhama li
kiminigi vasimó.



Nivasigo, Izesuki gapoloka galinali hotu liake, eza nene niasihe loko lo kimimó. Loko noligo, keza nene vi alitikasike agisaló alesimó. Lá niasike gupá zi amiki agepoka lasimó.





Alika Izesú nene izegipala 11 kezáikó alegesá iki nosánetá niki niago, utó o kemeake eza galegutí oteake noigo aí ániga vegenalitini gakó gili zagemamó nenazo, gili alévolé amakumú itó kigika hize lí ikumú nene gahá kimimó. Láa loko Guivahani Izesú lo kemekago, Ómasímo alémoko okulumakú itekago, eza Ómasímini agizani lamagaloka minamó.



Ómasímo numutó namató vejená
lelikumú milumavate gilimó nene
napa napa nego gipala hamokó
lehizeletamó nene aikumú gili
alévolé ita vejená keza latila
amiki alévolé kemetamenigi
minanigave loko lá
imó neve.



Loma 3:23 Mukitoka netá golesa alunikeve loko gonanalivagi lapanakú vo holosá amune.

Loma 6:23 Lihima netalímini meinava nene heleaká neve. Itó Ómasilokatí nasahilí hagitana lehizelimiaká noimó nenémini gihiláa Izesu Kilistotoka miní ameko alévolé lemetameni alinogo une.

Hipulu 9:27 Vegenalita gamena hamokó hilitune loko itó alikáa lihimatemú goní inogo une.

Epeso 2:8,9 Gilinahe. Eza lugutó vizimó nene aí nasahilitunú neve, itó Izesunimú gele alévolé unimómave loko neve. Nene lelí amuzatunú nomive. Ómasímo hagitana lehizeletamó.

Nana hoza ale minuko nenémini oletamó neve. Nene ma nomive. Nenemú lugupe aleko iteakaláa nomive.



Loma 10:9,10 Láa loko lo utó oaká noune: Izesú nene není Guivahaníne noive loko gegepatunú lo utó itanimó, itó Ómasímo nene Izesú heleneikutí alémo otimó neve loko gigikatunú gele alévolé itanimó nene, Ómasímo gugutó vizinogo ive. Ligikatunú gele alévolé itunimó nene, lihimate asú olimikiko minanogo une, itó legepatunú nene Izesuni agulizá lo utó itunimó nene, Ómasímo lugutó vizinogo ive.

Zoní 3:16,17 Ómasímo numutó namató vegená lelikumú milumavate gilimó nene napa napa nego gipala hamokó lehizeletamó nene aikumú gili alévolé ita vegená keza latila amiki alévolé kemetamenigi minanigave loko lá imó neve. Gipala nenémo mikasiuka vegená lihima kimitove loko nomive. Kelémo kugutó vizitive loko Ómasímo amiselekago limimó neve.

1 Zoní 5:11-13 Itó gipalámini mogona hize lé oko gakó limó nene láa loko neve: Ómasi eza alévolé lemetameki minoaká netá ale utó molo limimó, itó alévolé oko minoakalímini mogonáa nene gipalaló neve. Ómasímini gipala ali gikitiki minata vegená keza alévolé kemetameni alikamó neve. Itó Ómasímini gipalaló gímizema vegená keza alévolé oko minoaká nene alemave. Ómasímini gipalamú gili alévolé inamó lekeza alévolé lekemetameki minoaká nene mota alenoune liki gili seketigí iki gilitave loko luhuva imane gizo nolukumuve.



Matai'ó 26-28; Luká 22-24; Zoní 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen.

Alekano Bible (gah) © 1986, Wycliffe Bible Translators,
Inc. All rights reserved.

©2024 Bible for Children, Inc.

www.M1914.org

www.bibleforchildren.org

